

PEMBERITAHU PERTANYAAN DEWAN RAKYAT

PERTANYAAN : LISAN

**DARIPADA : Y.B. DATUK JOHARI BIN ABDUL GHANI
[TITIWANGSA]**

TARIKH : 2.4.2015

SOALAN :

Datuk Johari bin Abdul Ghani [Titiwangsa] minta **MENTERI PENDIDIKAN** menyatakan tentang sebarang cadangan di dalam meneliti semula konsep bayaran hutang PTPTN di dalam memberi kelonggaran tertentu terutamanya kepada kelompok yang masih tidak mendapat pekerjaan atau kelompok yang masih belum mendapat pekerjaan yang setaraf dengan kelayakan.

JAWAPAN

Tuan Yang di-Pertua,

Untuk makluman Ahli Yang Berhormat, Kerajaan sentiasa prihatin terhadap nasib graduan yang masih belum bekerja dan tidak mampu membuat bayaran balik seperti dijadualkan. Dalam usaha Perbadanan Tabung Pendidikan Tinggi Negara (PTPTN) membuat kutipan balik, pertimbangan khas turut diberikan kepada peminjam seperti berikut:

1. Membenarkan penangguhan dibuat terhadap peminjam yang masih melanjutkan pengajian sehingga tamat pengajian;
2. Membenarkan penangguhan sehingga 24 bulan terhadap peminjam yang masih belum mendapat pekerjaan; dan

3. Membenarkan peminjam membuat penstrukturan semula pembiayaan dengan amaun ansuran bulanan berasaskan kemampuan bagi tempoh tidak melebihi umur 60 tahun.

Kerajaan juga sentiasa prihatin dengan kebajikan peminjam, justeru YAB Perdana Menteri semasa pembentangan Bajet 2015 pada 10 Oktober 2014, telah memperkenalkan beberapa insentif kepada peminjam PTPTN seperti berikut:

1. Rebat 10 peratus diberikan sekiranya peminjam membuat bayaran balik pinjaman secara berterusan selama 12 bulan sehingga 31 Disember 2015; dan
2. Diskaun 20 peratus diberikan kepada peminjam yang membuat penyelesaian secara sekali gus atau *lump sum* mulai 10 Oktober 2014 sehingga 31 Mac 2015.